

**CENTRALNA BANKA
BOSNE I HERCEGOVINE**

Broj: UV-150-01-1-~~1587-G~~ /21 MM
Sarajevo, 10.08. 2021. godine

Na osnovu člana 70. stav (1) i (3) Zakona o javnim nabavkama (Službeni glasnik BiH, 39/14), člana 49. stav (2) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine i broj: UV-122-01-1-1045-11/21 od 28. aprila 2021. godine i člana 13. stav (3), člana 43. stav (1) i člana 45. stav (2) Pravilnika o javnim nabavkama, broj: UV-150-01-1-1467-3/20 od 27.07.2020. godine, Upravno vijeće Centralne banke Bosne i Hercegovine na 4 sjednici od 27.07. 2021. godine, donosi

O D L U K U

o izboru najpovoljnijeg ponuđača u postupku javne nabavke usluga – održavanje grijanja, klimatizacije i ventilacije u objektima Centralnog ureda Centralne banke Bosne i Hercegovine – lot 3

Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku usluga – održavanje grijanja, klimatizacije i ventilacije u objektima Centralnog ureda Centralne banke Bosne i Hercegovine – lot 3, dodjeljuje ponuđaču CLIMA- TRADE d.o.o. Sarajevo, na period od godinu dana, u svemu prema Ponudi broj: 367-CT/21 od 14.07.2021. godine.

Član 2.

Ponuda ponuđača iz člana 1. ove odluke glasi na iznos od:

79.958,50 KM bez PDV-a

(slovima: sedamdesetdevethiljadadevetstotinapedesetosam konvertibilnih maraka i 50/100)

odnosno

93.551,45 KM sa uračunatim PDV-om

(slovima: devedesettrihiljadepetstotinapedesetjedna konvertibilna marka i 45/100).

Član 3.

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti okvirni sporazum, za čije se izvršenje zadužuje Odjeljenje za zajedničke poslove Centralnog ureda Centralne banke Bosne i Hercegovine (u daljem tekstu: Odjeljenje za zajedničke poslove).

Član 4.

Za realizaciju ove odluke zadužuju se Odjeljenje za javne nabavke Centralnog ureda Centralne banke Bosne i Hercegovine (u daljem tekstu: Odjeljenje za javne nabavke), Odjeljenje za zajedničke poslove i Odjeljenje za računovodstvo i finansije Centralnog ureda Centralne banke Bosne i Hercegovine.

Član 5.

Ova odluka će se objaviti na web stranici Centralne banke www.cbbh.ba istovremeno s upućivanjem obavještenja o rezultatima postupka ponuđačima koji su učestvovali u postupku

javne nabavke, u skladu sa članom 70. stav (6) Zakona o javnim nabavkama („Službeni glasnik BiH“, broj: 39/14).

O b r a z l o ž e n j e

Postupak javne nabavke usluga – održavanje grijanja, klimatizacije i ventilacije, pokrenut je Odlukom, broj: 150-15-4-1105-2/21 MM od 29.04.2021. godine i broj: 150-15-4-1105-4/21 MM od 02.06.2021. godine.

U skladu s tim, Centralna banka je 28.06.2021. godine na portalu Javnih nabavki objavila Obavještenje o nabavci broj: 1370-1-2-297-3-188/21 zajedno sa tenderskom dokumentacijom.

U predviđenom roku za dostavljanje ponuda, odnosno do 14.07.2021. godine do 10:00 sati, blagovremeno je dostavljena jedna ponuda za lot 3 i to ponuda ponuđača CLIMA- TRADE d.o.o. Sarajevo.

Komisija za provođenje postupka javne nabavke (u daljem tekstu: Komisija) je izvršila pregled i ocjenu pristigle ponude i konstatovala da ponuda ispunjava sve uslove utvrđene u tenderskoj dokumentaciji za lot 3.

Komisija je u svom Zapisniku o pregledu i ocjeni ponuda broj: 149-15-4-1545-7/21 od 15.07.2021. godine i Izvještaju o radu Komisije sa preporukom, broj 149-15-4-1545-8/21 od 15.07.2021. godine, dala preporuku za donošenje odluke kao u dispozitivu.

Pouka o pravnom lijeku:

Protiv ove odluke može se, u pisanoj formi, uložiti žalba Centralnoj banci Bosne i Hercegovine, u roku od deset dana, od dana dostavljanja ove odluke.

**Predsjedavajući Upravnog vijeća
Centralne banke Bosne i Hercegovine**

**GUVERNER
dr. Senad Softić**



Dostaviti:

- učesnicima u postupku;
- guverneru;
- članovima Upravnog vijeća;
- viceguvernerima;
- Uredu glavnog internog revizora;
- Komisiji za nabavku;
- sekretaru Uprave i Upravnog vijeća;
- Odjeljenju za zajedničke poslove;
- Odjeljenju za računovodstvo i finansije;
- Odjeljenju za javne nabavke;
- arhiva